

Sarajevo, 27-06-2023
Broj: 58-04-4-2442



KLINICKI
CENTAR
UNIVERZITETA
SARAJEVO

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (broj 65-04-2-4654-1 od 01.02.2023.godine) na prijedlog Komisije za javnu nabavku Izvještaj br. 58-33-4-24311-1 od 26.06.2023. godine, Generalna direktorica donosi:

ODLUKU

o izboru najpovoljnijeg ponuđača za

Pružanje usluga obezbjeđenja centralnog Internet linka za potrebe KCUS-a

I

Prihvata se prijedlog Komisije za javnu nabavku, **Izvještaj br. 58-33-4-24311-1 od 26.06.2023. godine**, o izboru najpovoljnijeg ponuđača za „**Pružanje usluga obezbjeđenja centralnog Internet linka za potrebe KCUS-a**“, nakon provedenog konkurentskog zahtjeva sa Obavještenjem o nabavci broj 893-7-2-216-3-326/23 od 08.06.2023.godine i postupka e-aukcije od 26.06.2023. godine, te se **Okvirni sporazum u trajanju od 12 (dvanaest) mjeseci dodjeljuje ponuđaču Logosoft d.o.o. Sarajevo, u iznosu od 19.772,00 KM bez PDV-a**, u skladu sa dostavljenom ponudom, broj 057-02-SA/23 od 20.06.2023. godine (KCUS broj 10-11-3-24042 od 22.06.2023. godine), odnosno jediničnim cijenama iz ponude koje su srazmjerno umanjene ukupnom procentualnom smanjenju od **1,14 % **** u provedenom postupku e-aukcije

Osnovni elementi okvirnog sporazuma :

- **Ukupna vrijednost: 19.772,00 KM bez PDV-a + PDV 3.361,24 KM = 23.133,24 KM sa PDV-om**
- Vrijeme trajanja sporazuma: **12 (dvanaest) mjeseci** od dana obostranog potpisivanja sporazuma
- Uslovi plaćanja: odgođeno plaćanje **u roku 60 dana** po ispostavljenom računu,
- Pružalac usluge se obavezuje da će usluge pristupa internet mreži realizovati najkasnije u roku od 7 (sedam) dana od dana potpisivanja sporazuma o javnoj nabavci,

II

Izabrani ponuđač sa sjedištem u ulici Grbavička 4., 71000 Sarajevo, je u sklopu svoje ponude dostavio dokaze tražene tačkom 4.1. Tenderske dokumentacije, te u skladu sa navedenim nije u obavezi naknadno iste dostavljati.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

OBRAZLOŽENJE

Na osnovu Odluke o pokretanju postupka javne nabavke br. 01-04-4-21978 od 07.06.2023.godine, pokrenut je postupak javne nabavke „**Pružanje usluga obezbjeđenja centralnog Internet linka za potrebe KCUS-a**“. Procijenjena vrijednost nabavke je **20.000,00 KM bez PDV-a**, a sredstava su planirana Privremenim planom javnih nabavki za 2023.godinu, pod klasifikacijom **Usluge, redni broj 24**. (Odluka o usvajanju Privremenog plana javnih nabavki KCUS-a za 2023.godinu, broj 56/23, broj protokola 65-04-2-4650 od 01.02.2023.godine).

Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta Sektora za računovodstvo, plan i analizu br. 56-11-3-2265 od 14.01.2021. godine).

Klinički centar Univerziteta u Sarajevu je 08.06.2023.godine, objavio Obavještenje o nabavci broj: 893-7-2-216-3-326/23 na portalu e-Nabavke zajedno sa Tenderskom dokumentacijom o izboru najpovoljnijeg ponuđača za „Pružanje usluga obezbjeđenja centralnog Internet linka za potrebe KCUS-a“.

Obzirom da je tenderska dokumentacija za postupak nabavke roba, objavljena na portalu e-Nabavke istu je preuzelo 7 (sedam) potencijalnih ponuđača, a do krajnjeg roka određenog za prijem ponuda, do 23.06.2023. godine do 10:00 sati na Protokol KCUS-a dostavljene su 2 (dvije) ponude što je evidentirano Zapisnikom o zaprimanju ponuda br. 10-33-4-24103 od 23.06.2023.godine.

U narednoj tabeli je dat pregled o prispjelim ponudama.

[Handwritten signature]

| PODACI O DOSTAVLJENIM PONUDAMA PONUĐAČA | | |
|---|---|---|
| Naziv ponuđača | Logosoft d.o.o. Sarajevo | BH Telecom D.D. Sarajevo |
| Redni broj ponude | 1. | 2. |
| Broj i datum ponude | 057-02-SA/23 od 20.06.2023. | 08.2.2.-38-61847/23 od 13.06.2023. |
| KCUS broj, datum i vrijeme prispjeća ponude | 10-11-3-24042 od 22.06.2023. godine u 13:42 | 10-11-3-24094 od 23.06.2023. godine u 09:24 |
| Cijena ponude bez PDV-a (KM) | 19.999,92 | 19.992,00 |

Otvaranje i Analiza dostavljene ponude

Javno otvaranje ponuda održano je dana 23.06.2023.godine u 10:00 sati u sali za sastanke na lokaciji Objekat Tehničkog sektora (C9) Bolnička br.25. uz prisustvo članova komisije, sekretara komisije i referenta protokola (Jasmina Garaplija). Javnom otvaranju ponuda nije prisustvovao niko od predstavnika ponuđača. Komisija je konstatovala da su ponude blagovremene, uredno obilježene i ovjerene od strane ponuđača, te je iste prilikom preuzimanja od strane referenta protokola obilježila rednim brojevima od 1. do 2. Komisija je u prisustvu referenta protokola, izvršila otvaranje ponuda, a budući da su iste uvezane i osigurane jemstvenikom radi zaštite od eventualnih zloupotreba, Komisija je izvršila potpisivanje i ovjeru prve i posljednje stranice ponuda, kao i potpisivanje i ovjeru koverata u kojima su ponude dostavljene. U skladu sa Članom 8. Pravilnika o uspostavljanju i radu Komisije za nabavke (Sl.glasnik BiH br.103/14) Komisija je sačinila Zapisnik sa otvaranja ponuda u koji su uneseni slijedeći podaci: Broj protokola ponude, naziv ponuđača i ukupna vrijednost ponuda bez PDV-a.

Zapisnik sa otvaranja ponuda je protokolisan pod br. 10-33-4-24103-1 od 23.06.2023.godine i u zakonskom roku, putem faxes i/ili e-maila dostavljen ponuđačima učesnicima postupka javne nabavke.

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 58-04-4-23880 od 21.06.2023.godine, je detaljnom analizom ponuda konstatovala da iste zadovoljavaju sve zahtjeve tražene Tenderskom dokumentacijom, odnosno da **ispunjavaju formalno pravne, tehničke i suštinske zahtjeve**, te također izvršila i računsku provjeru dostavljenih ponuda, što je evidentirano i Zapisnikom o pregledu i ocjeni ponuda broj 58-33-4-24311 od 26.06.2023.godine, i donijela zaključak da iste **moгу biti predmet vrednovanja i učestvovati u daljem toku natjecanja**.

Imajući u vidu naprijed navedeno, te činjenicu da je za ovaj postupak javne nabavke planirano provođenje e-aukcije u skladu sa Pravilnikom o uslovima i načinu korištenja e-aukcije, Komisija je dala prijedlog da se e-aukcija zakaže za ponuđačima: **Logosoft d.o.o. Sarajevo** i **BH Telecom D.D. Sarajevo** kako slijedi:

| Naziv ponuđača | Logosoft d.o.o. Sarajevo | BH Telecom D.D. Sarajevo |
|------------------------------|-----------------------------|-----------------------------|
| Redni broj ponude | 1. | 2. |
| Cijena ponude bez PDV-a (KM) | 19.999,92 | 19.992,00 |

E-aukcija je zakazana za 26.06.2023.godine u 10:00 sati i provedena je putem portala www.ejn.gov.ba i to u skladu sa Pravilnikom o uslovima i načinu korištenja e-aukcije (Službeni glasnik BiH 66/16).

U prilogu je Izvještaj o toku i završetku e- aukcije/ Tabela pregled ponuda nakon okončane e-aukcije:

| „Pružanje usluga obezbjeđenja centralnog Internet linka za potrebe KCUS-a“ | | | | | | |
|---|--------------------------|---------------|-------------------------------|-------------------------------|------------------|----------|
| Početak postupka: 26.06.2023.godine u 10:00 sati / Završetak postupka: 26.06.2023.godine u 10:14 sati | | | | | | |
| R. br. | Naziv ponuđača | IDB/JMB | Početna cijena u KM bez PDV-a | Konačna cijena u KM bez PDV-a | Umanjenje cijene | Rang |
| 1. | Logosoft d.o.o. Sarajevo | 4200236190009 | 19.999,92 | 19.772,00 | 1,14 % ** | 1 |
| 2. | BH Telecom D.D. Sarajevo | 4200211100021 | 19.992,00 | 19.792,01 | 1 % ** | 2 |

U nastavku je dat tabelarni pregled dostavljenih jediničnih cijena, srazmjerno umnjenih ukupnom umanjenju od **1,14 %** ** nakon provedenog postupka e-aukcije:

| Redni broj | Opis usluge | Jed. mjere | Količina | Jedinična cijena usluge u KM bez PDV-a | UKUPNA cijena usluge u KM bez PDV-a |
|-------------------------------|---|------------|----------|--|-------------------------------------|
| 1. | Usluga korištenja Stalnog Internet linka putem optičke infrastrukture kapaciteta 350 / 350 Mbps upload / download | mjesec | 12 | 1.647,66* | 19.772,00 |
| PDV (KM): | | | | | 3.361,24 |
| Ukupna cijena sa PDV-om (KM): | | | | | 23.133,24 |

Obzirom da je cijena prvorangirane ponude nakon provedene e-aukcije u okviru osiguranih sredstava za nabavku, te da je u navedenom postupku nabavke zadovoljena transparentnost, Komisija jednoglasno daje prijedlog Ugovornom organu putem **Izvještaja br. 58-33-4-24311-1 od 26.06.2023. godine**, da se nakon provedenog konkurentskog zahtjeva, objavljenog na portalu e-Nabavke pod brojem 893-7-2-216-3-326/23 od 08.06.2023.godine i postupka e-aukcije od 26.06.2023. godine, **Okvirni sporazum u trajanju od 12 (dvanaest) mjeseci za „Pružanje usluga obezbjeđenja centralnog Internet linka za potrebe KCUS-a”, dodjeli ponuđaču Logosoft d.o.o. Sarajevo, u iznosu od 19.772,00 KM bez PDV-a**, u skladu sa dostavljenom ponudom, broj 057-02-SA/23 od 20.06.2023. godine (KCUS broj 10-11-3-24042 od 22.06.2023. godine), odnosno jediničnim cijenama iz ponude koje su srazmjerno umanjene ukupnom procentualnom smanjenju od **1,14 %** ** u provedenom postupku e-aukcije.

Prijedlog Komisije je prihvaćen i donijeta je odluka kao u dispozitivu.

**GENERALNA DIREKTORICA**
Prof.dr. Sebjica Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS

Handwritten signature